



Nyttårsbøn



**Me kjem til deg, kjære Fader i himmelen, denne siste dagen
i året med takk og bon.**



Atter ligg eit stykke av vår korte livsveg bak attom oss.



Og vi er komne vel fram, for di trufaste faderhand leidde oss.



**Du har vore god i mot oss, di miskunn har vore stor over oss,
du har passa på vår lekam og sjel i det året som gjekk.**



**Og kom det prøvingar
som fall oss tunge, så
har du då og vore med
oss med tru og tolmod.**



**Me seier med glede: Til no har Herren hjelpt! Og me ber fram
for deg vår hjertans takk for det du gav og for det du tok.**

**Me veit at me ikkje alltid kan ha berre dei gode tinga som
du gjev oss her til gagn og glede. Dei er eit lån, og me skal
gjera deg rekneskap for dei.**






Å, Herre Gud, tilgjev all utruskap i hushaldet vårt. Tilgjev oss syndene våre, for Jesu skuld.

Og frels oss frå avgudsdyrkande kjærleik til det forgjengelege, gjev at me kan sokja det ævelige gode, så me ikkje skal spilla tida vår, og øydeleggje med livet vårt, og sloser bort krafta vår til unyttes.





**Å, lær oss, medan tidene går, å trå etter det som er i
himmelen, der Kristus sit ved di hogre hand. Vår tid er
kort og snart utrunne, i dag eller i morgen - me veit det ikkje.**



**Men det er vår trøyst, at
du er med oss både i liv
og i død. Du evige Gud
som ikke forandrar deg.**



**Du er den du var, du vert
verande den du er, og
dine år får aldri ende.
Gjev at me kan vera i deg
til evig lykke og frelse.**

**Å Herre Gud og Fader, tenk framleis på oss i nåde, og lat dei år
og dagar me enno skal leva, verta ei velsigna nådetid for oss.**





**Ver med oss i det året me no gjeng inn i, slepp oss ikkje og
gå ikkje i frå oss, du vår Frelse - Gud.**



**Gjev oss framleis dine gode gåver til lekam og sjel. Send oss
eit godt og gledeleg, eit fredeleg og grøderikt år.**



**Men framfor alt, gjev nye heilage ånds tider i hjarta våre
og i kyrkja vår, så du ikkje skal leita fåfengt etter frukt i
vingarden din.**



**Me står ved inngangen til det
nye året, me lyfter bønehender
og seier i Jesu namn: Gud
beskytte vår inngang og vår
utgang frå no og til æveleg tid.
Lat det gamle året renna ut i
Jesu namn.**



Og lat det nye året renna opp i Jesu namn.



**Me gjeng roleg, trygt og uredd fram i Jesu dyre namn. I det
vil me leva, i det vil me døy.**



Velsign oss Gud Fader.

Velsign oss Guds son.

Velsign oss Herre Heilage Ande.





AMEN!